

GO ITSHIRELE TSA MO MOGARENG WA CORONA

- Nna o katogile ba bangwe sekgala sa dimetara di le 2
- Tlhapa diatla gangwe le gape ka sesepa le metsi a a eelang go tswa mo pompong metsotswana e le 20
- **ITIRELE THEPE E E TIPANG** - ditlhomeso tse di motlhofo, tse di sa tureng tse di seng kotsi tsa go tlhapa diatla



MATSENO

Kaelo eno ya kgato ka kgato e tlhalosa tsela ya go itirela thepe e e tipang, ditlhomeso tse di motlhofo tse di itiretsweng mo gae tsa go tlhapa diatla ka metsi a a eelang. Thepe e e tipang e na le khontheina ya dilitara di le 5 e e kgwageditsweng mo thobaneng e e kgabaganyang. Khontheina eno e kgona go tipiwa ka go goga mogala o o kgabaganyang sekhurumelo. Mogala o bofeletswe mo thobaneng e e robetseng fa fatshe, e e kgoromelediwang kwa tlase ka lenao.



DIDIRISIWA TSE DI TLHOKEGANG:



1. Dikala di le pedi tsa legong tsa bolelee jwa metara wa 1.1, tsa ntlha e e nang le sebopego sa Y (fa o sa kgone go bona dikala tsa legong le le nang le sebopego sa Y o ka nna wa dirisa legong lengwe fela kgotsa thobane ya tshipi, fa e le gore o tla bofa dintlha tsa tsone ka mogala kgotsa ka terata).
2. Dithobane tse pedi tse di tshesane tsa bolelee jwa metara o le 1.
3. Saga kgotsa selepe (panga) sa go kgaola legong.
4. Sepekere
5. Boleele jwa mogala
6. Khontheina ya dilitara di le 5
7. Sesepa se seedi sa go tlhapa diatla kgotsa lenathwana le sesepa
8. Kgetsana ya maje kgotsa mmu

Tsweetswee pitikolola go leba kaelo ya kgato ka kgato

KGATO KA KGATO KAELO

1.

GO BAAKANYA DITLHOMESO

Tsaya magong kgotsa ditshipi tse pedi, ya boleele jwa dimetara di le 1.1 nngwe le nngwe. Kgetla dikala di le pedi tse di tshesane, ya boleele jwa metara o le 1 nngwe le nngwe. Gokelela mogala wa boleele jwa metara o le 1 mo go e nngwe ya dithobane.

2.

GO TSHWAYA PHATLHA



Tshwaya fa phatlha e tlileng go phunngwa gone mo khontheineng, mo e ka nnang 12cm fa tlase ga sekhurumelo.

3.

GO GOTETSA SEPEKERE



Tshwara sepekere ka tang.

4.

GO PHUNYA DIPHATLHA



Ka sepekere se se mogote, phunya phatlha mo khontheineng, le phatlha ya bobedi mo sekhurumelong.

5.

GO SOMELA MOGALA



Somela mogala, o o bofeletsweng mo thobaneng, go kgabaganya phatlha mo sekhurumelong.

6.

GO BOFA MOGALA LEHUTO



Tsaya lehuto le le kwa ntlheng ya mogala le le sa kgoneng go kgabaganya phatlha.

7.

GO AGA DITLHOMESO



Tswala khontheina. Jaanong thobane e golagane le khontheina ka mogala.

8.

GO TLATSA KHONTHEINA



Tlatsa khontheina ka metsi go ya go fitlha fa phatlheng o bo o a tlhakanya le sesepa sa seedi.

9.

GO TLHOMELA DITHOBANE FA FATSHE



Dirisa garawe go tlhomela dipale fa fatshe boteng jwa 30cm. Sekgala fa gare ga dipale se tshwanetse go nna bobotlana 70 cm.

10.

GO KGWAGETSA KHONTHEINA



Somela thobane go kgabaganya matshwaro a khontheina mme o tsenye thobane fa gare ga dipale. Rulaganya boleele jwa mogala gore ntsha ya thobane e nne mo e ka nnang 15 cm go tswa fa fatshe.

11.

TSHELA MAJE KGOTSA MOTLHABA GORE METSI A SE TAME



Fa gare ga dipale tse pedi, ka fa tlase ga khontheina, epa khuti ya 50 x 50 cm, ya boteng jwa 20 cm. Tlatsa khuti eo ka motlhaba kgotsa ka maje. Metsi a tla nwelelela mo khuting eo mme ga a kitla a tama mo khuting. Gape motlhaba o tla thibela menang go kokoana mo go leng bongola gone.

12.

GO DIRISA THEPE E E TIPANG



Kgoromeletsa thobane kwa tlase ka lenao. Seno se tipa khontheina, mme metsi a tla tswa ka phatlha. Kolobetsa diatla o bo o tlosa lenao mo thobaneng. Tshasa diatla sesepa. Kgoromeletsa thobane kwa tlase gape o bo o tlhapa diatla.